

12. Sačinjavanje izvješća o postupku javne nabave,
13. Davanje preporuke ugovornom organu za donošenje odluke o odabiru ili odluke o poništenju postupka nabave.

IV.

Za učešće u radu Komisije imenovani ostvaruju pravo na novčanu naknadu sukladno Zakonu o plaćama i naknadama u organima vlasti u Federaciji BiH ("Službene novine Federacije BiH", broj 45/10, 111/12 i 20/17) i točke IV i V Uredbe o načinu osnivanja i utvrđivanja visine naknade za rad radnih tijela osnovanih od strane Vlade Federacije BiH i rukovoditelja federalnih organa državne službe ("Službene novine Federacije BiH", broj 48/14, 77/14, 97/14 i 58/15), o čemu se donosi posebno rješenje.

V.

Komisija će postupke javnih nabavki provoditi od dana imenovanja do 31.12.2020. godine.

VI.

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 01-30-214/20

03. ožujka/marta 2020. godine

Mostar

Ministar

Zlatan Vujanović, v. r.

FEDERALNO MINISTARSTVO OKOLIŠA I TURIZMA

408

Na osnovu člana 61. stav 9. Zakona o vodama ("Službene novine Federacije BiH", broj 70/06), i člana 3. Pravilnika o postupcima i mjerama u slučajevima akcidenata na vodama i obalnom vodnom zemljištu ("Službene novine Federacije BiH", br. 71/09 i 102/18), federalna ministrica okoliša i turizma, uz saglasnost federalnog ministra poljoprivrede vodoprivrede i šumarstva, donosi

RJEŠENJE

O PROGLAŠENJU FEDERALNOG OPERATIVNOG PLANA ZA INCIDENTNA ZAGAĐENJA III STEPENA UGROŽENOSTI U FEDERACIJI BOSNE I HERCEGOVINE

1. Proglašava se Federalni operativni plan za incidentna zagađenja III stepena ugroženosti u Federaciji Bosne i Hercegovine.
 2. Federalni operativni plan za incidentna zagađenja III stepena ugroženosti u Federaciji Bosne i Hercegovine je sastavni dio ovog rješenja.
- Ovo rješenje stupa na snagu danom objavljivanja u "Službenim novinama Federacije BiH".

Broj 04-23-476/19

26. februara/veljače 2020. godine

Sarajevo

Ministrica

Dr. Edita Đapo, s. r.

U skladu sa Zakonom o vodama Federacije BiH ("Službene novine Federacije BiH", broj 70/06) i Pravilnika o postupcima i mjerama u slučajevima akcidenata na vodama i obalnom vodnom zemljištu ("Službene novine Federacije BiH", broj 71/09) i Pravilnika o izmjenama i dopunama Pravilnika o postupcima i mjerama u slučajevima akcidenata na vodama i obalnom vodnom zemljištu ("Službene novine Federacije BiH", broj 102/18), federalna ministrica okoliša i turizma, uz saglasnost federalnog ministra poljoprivrede vodoprivrede i šumarstva, donosi

FEDERALNI OPERATIVNI PLAN ZA INCIDENTNA ZAGAĐENJA III STEPENA UGROŽENOSTI

1. OPĆE ODREDBE

Federalni operativni plan mjera za slučaj incidentnih zagađenja III stupnja ugroženosti je dokument (u daljem tekstu federalni Operativni plan) kojim se utvrđuju mjere i postupci koji se preduzimaju u slučaju proglašenja III stepena ugroženosti koja mogu biti:

1. incidentna zagađenja nastala unutar granica Federacije BiH i to:
 - incidentna zagađenja nastala na međudržavnim vodama unutar granica Federacije BiH;
 - incidentna zagađenja nastala na međudržavnim vodama unutar granice Federacije BiH sa mogućim prekograničnim posljedicama;
2. incidentna zagađenja nastala izvan granica Federacije BiH. Federalni operativni plan mjera (III stepen ugroženosti) primjenjuje se u slučajevima:
 - Ako su u vode dospjele veće količine opasnih ili drugih materija koje uzrokuju zagađenje, sa mogućim prekograničnim posljedicama;
 - ako se brzom primjenom potrebnih mjera može spriječiti širenje zagađenja, ali gdje su ugrožena izvorišta pitke vode, ili izvorišta vode za druge namjene;
 - ako su posljedice po kvalitet voda i po njenu upotrebu velike, te je potrebno proglasiti mjere zabrane korištenja.

2. SUBJEKTI U PROVEDBI FEDERALNOG OPERATIVNOG PLANA MJERA

- 1) Glavni centar za provođenje plana mjera za slučaj incidentnih zagađenja III stupnja ugroženosti čine funkcijske grupe: Ekspertna grupa, Grupa za donošenje odluka, Komunikacijska grupa, te osoba odgovorna za koordiniranje rada.
- 2) Komunikacijska grupa obavlja poslove operativnog dežurstva, prijema i prijensa informacija, pozivanje osoba i izvještavanje o zagađenju voda te međunarodne kontakte. Sjedište komunikacijske grupe je u Ministarstvu sigurnosti BiH (Operativno komunikacijski centar BiH-112).
- 3) Ekspertna grupa vrši procjenu i uvidaj o vrsti i intenzitetu zagađenja. Sjedište Ekspertne grupe je u nadležnoj agenciji za vode.
- 4) Grupa za donošenje odluka odlučuje o poduzimanju potrebnih mjera i koordinira i prati provedbu mjera nad širenjem i otklanjanjem posljedica zagađenja voda i vodnog dobra. Sjedište Grupe za donošenje odluka je Federalna uprava za inspeksijske poslove (u daljem tekstu FUZIP).
- 5) Funkcijske grupe čine imenovani predstavnici Ministarstva vanjske trgovine i ekonomskih odnosa BiH (MVTEO BiH), Ministarstva bezbjednosti BiH, Federalnog ministarstva poljoprivrede, vodoprivrede i šumarstva (FMPVŠ), Federalnog ministarstva okoliša i turizma (FMOIT), Federalnog ministarstva zdravstva, Federalne uprave za inspeksijske poslove (FUZIP), Federalne uprave civilne zaštite i nadležne agencije za vode, kao stalni članovi. Po potrebi se uključuju u rad i ostale institucije.
- 6) Sjedište Glavnog centra je u FMOIT-u.

Popis grupa, njihovih sjedišta i uključenih institucija

Glavni centar	Sjedište grupe	Stalni članovi grupe I
Komunikacijska grupa	Ministarstvo sigurnosti BiH Operativno komunikacijski centar BiH-112 Trg BiH 1 71000 Sarajevo	- MUP - MVTEO BiH - Agencije za vodna područja: - Federalna uprava civilne zaštite - Federalna uprava za inspekcijske poslove
Ekspertna grupa	Agencija za vodno područje rijeke Save Ul. Hamdije Čemerlića 39a 71000 Sarajevo Agencija za vodno područje Jadranskog mora Ul. dr. Ante Starčevića bb 36000 Mostar	- Ovlašteni laboratoriji - Federalna uprava za inspekcijske i poslove - Hidrometeorološki zavod Federacije BiH - Federalni zavod za geologiju - Federalni zavod za agropedologiju - Zavod za javno zdravstvo Federacije BiH - Federalna uprava civilne zaštite
Grupa za donošenje odluka	Federalna uprava za inspekcijske poslove Ul. Fehima ef. Čurčića 6 71000 Sarajevo	- MVTEO BiH - Ministarstvo sigurnosti BiH - Federalno ministarstvo poljoprivrede, vodoprivrede i šumarstva - Federalno ministarstvo okoliša i turizma - Federalno ministarstvo zdravstva - Agencije za vodna područja - Federalna uprava civilne zaštite
Odgovorna osoba za koordiniranje rada Glavnog centra: Ministar Federalnog ministarstva okoliša i turizma		

3. ORGANIZACIJA POSTUPAKA I NAČIN PROVOĐENJA MJERA U SLUČAJU INCIDENTNIH ZAGAĐENJA III STUPNJA UGROŽENOSTI UNUTAR GRANICA FEDERACIJE BiH

- 1) Organizacija postupaka u slučaju incidentnih zagađenja III stupnja ugroženosti je sljedeća:
 - a) Obavještanje o incidentnom zagađenju vrši se u skladu s članom 61., st. 1. i 2. Zakona o vodama Federacije BiH. Komunikacijska grupa dojavu o incidentnom zagađenju prosljeđuje se u Operativno komunikacijski centar BiH 112.
 - b) Osoba iz komunikacijske grupe telefonom, faksom ili na drugi pogodan način obavještava odgovornu osobu za koordiniranje rada Glavnog centra koji informaciju prosljeđuje Ekspertnoj i Grupi za donošenje odluka.
 - c) Procjena i uviđaj o vrsti i intenzitetu zagađenja na terenu obavljaju imenovani članovi Ekspertne grupe u saradnji sa imenovanim članovima Grupe za donošenje odluka. Uviđajem na terenu se utvrđuju uzrok i počinitelj incidentnog zagađenja, procjena posljedica i šteta nastalog zagađenja, te predlaganje potrebnih mjera u skladu sa operativnim planovima subjekta koje je izazvalo zagađenje. U slučajevima poznatog izvora i vrste zagađenja te većeg opsega zagađenja, odmah po dojavu na teren izlazi i ovlaštena osoba subjekta koje je izazvalo zagađenje. U slučajevima nepoznatog izvora i vrste zagađenja, te u slučaju kada počinitelj zagađenja nema urađene svoje operativne planove za postupanje u slučaju incidenata, Ekspertna grupa u saradnji sa Grupom za donošenje odluka daje prijedlog mjera za sprječavanje širenja i otklanjanje posljedica incidentnog zagađenja.
 - d) Federalni inspektor za vode rješenjem proglašava III stepen ugroženosti te rješenjem propisuje subjektima poduzimanje mjera za sprečavanje širenja zagađenja, sanaciju stanja te naknadu troškova, i provodi nadzor i koordinaciju provedbe mjera za sanaciju incidentnog zagađenja, a sve u skladu sa čl. 188. i 189. Zakona o vodama Federacije BiH.

- 2) Nakon proglašenja III stepena ugroženosti:
 - a) Na vodnom području rijeke Save imenovani predstavnik stručne grupe za Prevenciju i kontrolu akcidenata Međunarodne komisije za zaštitu rijeke Dunav (a koji je i član Komunikacijske grupe), ispred Federacije BiH, vrši dojavu u sistemu hitnog upozoravanja o pojavi incidentnih zagađenja (Alert Emergency Warning System - Sistem ranog upozoravanja na opasnost od akcidenata, u daljem tekstu AEWS) o mogućim prekograničnim posljedicama i time obavještava susjedne države o nastalom iznenadnom zagađenju uključujući i nadležnu instituciju iz RS-a (JU Vode Srpske).
 - b) Na vodnom području Jadranskog mora imenovani predstavnik komunikacijske grupe vrši dojavu prema nadležnoj instituciji susjedne države (Hrvatske vode - VGO Split) o mogućim prekograničnim posljedicama.
- 3) Odgovorna osoba za koordiniranje rada Glavnog centra, a nakon dobijanja izvještaja od Ekspertne i Grupe za donošenje odluka, izvještava javnost o poduzetim postupcima u slučaju incidentnog zagađenja.
- 4) Federalni ministar okoliša i turizma u saradnji sa inspektorom za vode, na osnovu Izvještaja o prestanku ugroženosti od incidentnog zagađenja Grupe za donošenje odluka, proglašava prestanak provođenja mjera i postupaka u slučaju incidentnog zagađenja.
- 5) Odgovorna osoba za koordinisanje rada Glavnog centra, a nakon dobijanja Izvještaja o prestanku ugroženosti od incidentnog zagađenja Grupe za donošenje odluka, izvještava javnost o prestanku provođenja mjera i postupaka u slučaju incidentnog zagađenja.
- 6) Nakon što Odgovorna osoba za koordiniranje rada Glavnog centra objavi prestanak provođenja mjera i postupaka:
 - a) Na vodnom području rijeke Save imenovani predstavnik stručne grupe za Prevenciju i kontrolu akcidenata Međunarodne komisije za zaštitu rijeke Dunav (a koji je i član Komunikacijske grupe), ispred Federacije BiH, vrši dojavu susjednim državama i nadležnoj instituciji iz RS-a (JU Vode Srpske) u sistemu hitnog upozoravanja o pojavi incidentnih zagađenja (AEWS) o prestanku provođenja mjera i postupaka.
 - b) Na vodnom području Jadranskog mora imenovani predstavnik komunikacijske grupe vrši dojavu prema nadležnoj instituciji susjedne države (Hrvatske vode - VGO Split) o prestanku provođenja mjera i postupaka.

4. ORGANIZACIJA POSTUPAKA I NAČIN PROVOĐENJA MJERA U SLUČAJU INCIDENTNIH ZAGAĐENJA III STUPNJA UGROŽENOSTI NASTALIH IZVAN GRANICA FEDERACIJE BiH

- 1) Dojava o nastanku incidentnog zagađenja nastalog izvan granica Federacije BiH, zaprima Komunikacijska grupa - Operativno komunikacijski centar 112.
- 2) Osoba iz komunikacijske grupe telefonom, faksom ili na drugi pogodan način obavještava odgovornu osobu za koordiniranje rada Glavnog centra koji informaciju prosljeđuje Ekspertnoj i Grupi za donošenje odluka.
- 3) Procjena i uviđaj o vrsti i intenzitetu zagađenja na terenu obavljaju imenovani članovi Ekspertne grupe u saradnji sa imenovanim članovima Grupe za donošenje odluka.
- 4) Federalni inspektor za vode rješenjem proglašava stepen ugroženosti te donosi rješenje i propisuje poduzimanje mjera za sprečavanje širenja zagađenja, sanaciju stanja te

- naknadu troškova, i provodi nadzor i koordinaciju provedbe mjera za sanaciju incidentnog zagađenja.
- 5) Primjena mjera za sprečavanje i širenje zagađenja, sanacija stanja vrši se u skladu sa donesenim rješenjem.
 - 6) Komunikacijska grupa prima detaljnije informacije od nadležne institucije susjedne države ili entiteta i prosljeđuje informaciju u Grupu za donošenje odluka i Ekspertsku grupu. Federalni inspektor za vode, nalaže dodatno provođenje mjera, po potrebi.
 - 7) Na vodnom području rijeke Save imenovani predstavnik stručne grupe za Prevenciju i kontrolu akcidenata Međunarodne komisije za zaštitu rijeke Dunav (a koji je i član Komunikacijske grupe), ispred Federacije BiH, vrši dojavu u sistemu hitnog upozoravanja o pojavi incidentnih zagađenja (AEWS - Sistem ranog upozoravanja na opasnost od akcidenata) o mogućim prekograničnim uticajima na susjedne države/entitet i status preduzetih mjera u Federaciji BiH.
 - 8) Na vodnom području Jadranskog mora imenovani predstavnik komunikacijske grupe vrši dojavu prema nadležnoj instituciji susjedne države (Hrvatske vode - VGO Split) o mogućim prekograničnim posljedicama i status preduzetih mjera u Federaciji BiH.
 - 9) Odgovorna osoba za koordinisanje rada Glavnog centra, a nakon dobijanja izvještaja od Ekspertne i Grupe za donošenje odluka, izvještava javnost o poduzetim postupcima u slučaju incidentnog zagađenja.
 - 10) Nakon primanja obavijesti od strane nadležne institucije (Principal International Alert Centre - Glavni međunarodni centar za uzbunu - u daljem tekstu PIAC ili drugi) susjedne države ili nadležne institucije susjednog entiteta o prestanku mjera i o proglašenju prestanka uzbunjivanja federalni ministar okoliša i turizma u saradnji sa inspektorom za vode, proglašava prestanak provođenja mjera i postupaka u slučaju incidentnog zagađenja u Federaciji BiH.
 - 11) Imenovani predstavnici stručne grupe za Prevenciju i kontrolu akcidenata Međunarodne komisije za zaštitu rijeke Dunav i komunikacijske grupe na vodnom području Jadranskog mora potvrđuju prijem informacije o prestanku opasnosti od incidentnog zagađenja od susjedne države/entiteta.

Šematski prikaz organizacije postupaka i načina provođenja mjera u slučaju incidentnih zagađenja III stepena ugroženosti nastalih unutar i izvan granica Federacije BiH dat je u Prilogu 1. ovog Plana.

5. PLAN SUDJELOVANJA DRUGIH FIZIČKIH I PRAVNIH OSOBA U POSTUPCIMA PROVOĐENJA POTREBNIH MJERA I INTERVENCIJA

- 1) Saniranje šteta vrše ovlaštene firme temeljem Pravilnika o uvjetima i kriterijima koje mora ispunjavati specijalizirano i ovlašteno pravno lice za provođenje mjera otklanjanja ili sprečavanja zagađenja voda u slučaju iznenadnog zagađenja

- voda ili opasnosti od iznenadnog zagađenja voda i načinu davanja ovlaštenja ("Službene novine Federacije BiH", broj 06/11, 90/13). U slučaju nedovoljnih kapaciteta ovlaštenih pravnih subjekata za ove namjene, u saniranje štete može biti uključena i FUCZ, sa svojim raspoloživim sredstvima i kapacitetima za otklanjanje posljedica i sprečavanje širenja zagađenja.
- 2) Ispitivanje površinskih i podzemnih voda obavljaju ovlašteni laboratoriji za ispitivanje voda, imenovani Rješenjem Federalnog ministarstva poljoprivrede, vodoprivrede i šumarstva, dok ispitivanja vode za piće obavljaju laboratoriji imenovani Rješenjem Federalnog ministarstva zdravstva.

6. FINANSIJSKA SREDSTVA POTREBNA ZA PROVOĐENJE OPERATIVNOG PLANA

- 1) Sve institucije uključene u provođenje ovog Plana sredstva za njegovu implementaciju trebaju planirati i predvidjeti godišnjim finansijskim planovima rada.
- 2) Prema članu 61. stav (5) Zakona o vodama Agencija za vodno područje može u cilju izvršenja preduzimanja mjere za otklanjanje ili sprečavanje zagađenja, odnosno preduzimanja svih mjera radi svodenja štetnih posljedica po okoliš na najmanju moguću mjeru, angažirati najbliže specijalizirano i ovlašteno pravno lice. Troškove preduzetih mjera (otklanjanje posljedica) i sve troškove provedenih analiza, ispitivanja i ekspertiza snosi pravno i fizičko lice čija je radnja ili propuštanje radnje izazvalo zagađenje ili opasnost od zagađenja, u skladu sa članom 61. stav 8. istog zakona.
- 3) U slučaju kada je zagađivač nepoznat i u slučaju sprečavanja ili otklanjanja štete po okoliš koja zahtijeva neposrednu intervenciju, aktivnosti čije provođenje je organizirano od strane Grupe za donošenje odluka, snosi Fond za zaštitu okoliša Federacije BiH, u skladu sa čl. 3 Zakona o Fondu za zaštitu okoliša FBiH ("Službene novine Federacije BiH", broj 33/03).

7. PRELAZNE I ZAVRŠNE ODREDBE

- 1) Institucije i organi koji su u sastavu svih funkcijskih grupa (ekspertne, grupe za donošenje odluka i komunikacijske grupe) imena svojih stalnih članova u istim će dostaviti FMOIT, a na osnovu toga će FMOIT u roku od 30 dana od dana objave Federalnog operativnog plana za incidentna zagađenja III stepena ugroženosti formirati funkcijske grupe i objaviti imenovanje istih u "Službenim novinama Federacije BiH". Takođe, FMOIT će u istom roku imenovati odgovornu osobu za kordiniranje rada Glavnog centra.
- 2) Nakon svih imenovanja biće potrebno napraviti i popis svih imenovanih sa brojevima mobitela i telefona.
- 3) Popis će biti objavljen na web stranici sjedišta Glavnog centra u FMOIT.

Prilog 1. ŠEMA ORGANIZACIJA POSTUPAKA I NAČIN PROVOĐENJA MJERA U SLUČAJU INCIDENTNIH ZAGAĐENJA III STUPNJA UGROŽENOSTI NASTALIH UNUTAR GRANICA FEDERACIJE BiH

**ORGANIZACIJA POSTUPAKA I NAČIN PROVOĐENJA MJERA U SLUČAJU INDICENTNIH ZAGAĐENJA III
STUPNJA NASTALIH IZVAN GRANICA FEDERACIJE BiH**

